

25 декабря, свт. Спиридона Тримифунтского

## 25 декабря, свят. Спиридона еп. Тримифунтскаго ВЕЛИКАЯ ВЕЧЕРНЯ (СОКРАЩЕННАЯ)

*По окончании 9-го часа священник произносит начальный возглас:*

Благословен Бог наш всегда, ныне и присно, и во веки веков.

**Чтец:** Аминь.

Приидите, поклонимся Цареву нашему Богу.

Приидите, поклонимся и припадём Христу Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 103

Благослови, душе моя, Господа. Господи, Боже мой, возвеличился еси зело. Во исповедание и в велелепоту облечлся еси. Одейся светом, яко ризою, простираяй небо, яко кожу. Покрывааяй водами превыспренняя Своя, полагааяй облаки на восхождение Свое, ходяй на крилу ветреню. Творяй Ангелы Своя духи и слуги Своя пламень огненный. Основаяй землю на тверди ея, не преклонится в век века. Бездна, яко риза, одеяние ея, на горах станут воды, от запрещения Твоего побегнут, от гласа грома Твоего убоятся. Восходят горы и нисходят поля в место, еже основал еси им. Предел положил еси, егоже не прейдут, ниже обратятся покрыти землю. Посылаяй источники в дебрех, посреде гор пройдут воды. Напаяют вся звери сельныя, ждут онагри в жажду свою. На тих птицы небесныя привитают, от среды камня дадут глас. Напаяяй горы от превыспренных Своих, от плода дел Твоих насытится земля. Прозябаяй траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедри Ливансии, ихже еси насадил. Тамо птицы вогнездытся, еродиево жилище предводительствует ими. Горы высокая еленем, камень прибежище зайцем. Сотворил есть луну во времена, солнце позна запад свой. Положил еси тму, и бысть ночь, в нейже пройдут вси зверие дубравнии. Скимви рыкающии, восхитити и взыскати от Бога пищу себе. Возсия солнце и собрашася и в ложах своих лягут. Изыдет человек на дело свое и на делание свое до вечера. Яко возвеличишася дела Твоя, Господи, вся премудростию сотворил еси, исполнися земля твари Твоея. Сие море великое и пространное, тамо гади, имже несть числа, животная малая с великими, тамо корабли преплавают, змий сей, егоже создал еси ругатися ему. Вся к Тебе чают, дати пищу им во благо время. Давшу Тебе им соберут, отверзшу Тебе руку всяческая исполнятся благи, отвращшу же Тебе лице, возмзутся, отымеши дух их, и исчезнут, и в персть свою возвратятся. Послеши Духа Твоего, и созиждутся, и обновииши лице земли. Буди слава Господня во веки,

## 25 декабря, свт. Спиридона Тримифунтского

возвеселится Господь о делех Своих, призираяй на землю, и творяй ю трястися, прикасайся горам, и дымятся. Воспою Господеви в животé моём, пою Богу моему, дондеже есмь, да усладится Ему беседа моя, аз же возвеселюся о Господе. Да исчезнут грешницы от земли, и беззаконницы, якоже не быти им. Благословий, душе моя, Господа.

Солнце позна запад свой. Положил еси тму, и бысть ночь. Яко возвеличишася дела Твоя, Господи, вся премудростию сотворил еси.

Слава Отцу и Сыну и Святому Духу, и ныне и присно и во веки веков. Аминь.  
Аллилуиа, аллилуиа, аллилуиа, слава Тебе Боже *(Трижды)*.

### Ектения великая

**Диакон:** Мíром Господу помóлимся.

**Лик:** Господи, помилуй *(на каждое прошение)*.

**Диакон:** О свѣшнем мѣре и спасѣнии душ наших, Господу помóлимся  
*и прошения по чину.*

**Диакон:** Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувши, сами себе и друг друга, и весь живот наш Христу Богу предадим.

**Лик:** Тебе, Господи.

**И священник возглашает:** Яко подобает Тебе всякая слава, честь и поклонение, Отцу, и Сыну, и Святому Духу, ныне и присно, и во веки веков.

**Лик:** Аминь.

### Кафизма 1

**Лик:** Блажен муж, иже не иде на совет нечестивых.

Яко вѣсть Господь путь праведных, и путь нечестивых погѣбнет./ Аллилуиа, аллилуиа, аллилуиа, слава Тебе Боже.

Работайте Господеви со страхом, и радуйтесь Ему со трепетом./ Аллилуиа, аллилуиа, аллилуиа, слава Тебе Боже.

Блажени вси надеющиися Нань. Воскресни, Господи, спаси мя, Боже мой./ Аллилуиа, аллилуиа, аллилуиа, слава Тебе Боже.

Господне есть спасение, и на людех Твоих благословение Твое./ Аллилуиа, аллилуиа, аллилуиа, слава Тебе Боже.

**25 декабря, свт. Спиридона Тримифунтского**

**Сла́ва Отцу́ и Сы́ну и Свято́му Ду́ху, и ны́не и прѣсно, и во ве́ки веко́в./ Ами́нь. Аллилу́иа, аллилу́иа, аллилу́иа, сла́ва Тебе́ Бо́же.**

**Аллилу́иа, аллилу́иа, аллилу́иа, сла́ва Тебе́ Бо́же. (Трижды)**

### **Ектения малая**

**Диакон:** Па́ки и па́ки, ми́ром Го́споду помóлимся.

**Лик:** Го́споди, помíлуй.

Заступи́, спаси́, помíлуй и сохрани́ нас, Бо́же, Твоею́ благода́тию.

**Лик:** Го́споди, помíлуй.

Пресвяту́ю, Пречи́стую, Преблагослове́нную, Сла́вную Влады́чицу на́шу Богоро́дицу и Присноде́ву Марию́ со все́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу преда́дим.

**Лик:** Тебе́, Го́споди.

**Возглашение:** Я́ко Твоя́ держа́ва, и Твое́ есть ца́рство, и си́ла, и сла́ва, Отца́ и Сы́на и Свята́го Ду́ха, ны́не, и прѣсно, и во ве́ки веко́в.

**Лик:** Ами́нь.

### **Стихиры на «Господи, воззвах»**

**Канонарх:** Глас 5, Го́споди, воззва́ х к Тебе́ , услы́ ши мя.

**Го́споди, воззва́х к Тебе́, услы́ши мя./ Услы́ши мя, Го́споди.**

**Го́споди, воззва́х к Тебе́, услы́ши мя:/ вонми́ гла́су моле́ния моего́, / внегда́ воззва́ти ми к Тебе́.// Услы́ши мя, Го́споди.**

**Да исправится моли́тва моя́,/ я́ко кади́ло пред Тобо́ю,/ воздея́ние руку́ мое́ю/ – же́ртва вече́рняя./ Услы́ши мя, Го́споди.**

**свт. Спиридо́на, епископа Тримифунтскаго, чудотворца на 6**

**На 6, сти́х:** А́ще беззакóния на́зриши, Го́споди, Го́споди, кто постои́т?

**// Я́ко у Тебе́ очище́ние есть.**

**Радуйся, архиере́ев пра́вило,/ Це́ркве непоколеби́мое утвер́ждение,/ сла́во правосла́вных,/ чуде́с исто́чнице,/ любве́ струя́ неисто́щима́я,/ свети́льнице много́светлы́й,/ ду́ха орга́не,/ уме́**

Божественный,/ кроткий и незлобивый,/ иже простотою истинною украшаем,/ человече Небесный, земный Ангеле,/ винограда делателю,/ Христов друже искренний,/ Того моли подати тебе чтущим велию милость.

*Стих:* Имене ради Твоего потерпех Тя, Господи, потерпел душа моя в слово Твое,  
// упова душа моя на Господа.

Радуйся, архиереев правило,/ Церкви непоколебимое утверждение,/ славо православных,/ чудес источник,/ любви струя неисощимая,/ светильниче многосветлый,/ духа органе,/ уме Божественный,/ кроткий и незлобивый,/ иже простотою истинною украшаем,/ человече Небесный, земный Ангеле,/ винограда делателю,/ Христов друже искренний,/ Того моли подати тебе чтущим велию милость.

*На 4, стих:* От стражи утренния до нощи, от стражи утренния,  
// да уповает Израиль на Господа.

Кроток и наследник земли ты кротких/ воистинну показался еси, Спиридоне,/ отцев славо,/ иже жилами мудрых и простых твоих словес Божественною благодатию/ врага вселукаваго и пребезумнаго Ария удавил еси/ и, веление Божественное всем уяснив,/ верным показал еси,/ и спасительное возвысив духом,/ вся же православныя просветив яснейше/ Единого славити Слово,/ яко воистинну Единосущное Отцу Пребезначальному,/ подающее миру велию милость.

*Стих:* Яко у Господа милость, и многое у Него избавление,  
// и Той избавит Израиля от всех беззаконий его.

Кроток и наследник земли ты кротких/ воистинну показался еси, Спиридоне,/ отцев славо,/ иже жилами мудрых и простых твоих словес Божественною благодатию/ врага вселукаваго и

пребезумнаго А́рия удавил еси́/ и, велѣние Божѣственное всем  
уяснив,/ вѣрным показал еси́,/ и спасительное возвысив дѣхом,/  
вся же православныя просветив яснѣйше/ Еди́но славити  
Сло́во,/ яко воистинну Единосу́щное Отцу́ Пребезначальному,/  
подающее мѣру вѣлию мѣлость.

*На 2, стих:* Хвалите Господа вси языцы,

// похвалите Его́ вси лю́дие.

Стра́сти умертвив плотскія,/ мѣртвыя благодатию Божиею воз-  
ставил еси́,/ и змию в злато претворил еси́,/ и реки́ стремлѣние  
молитвою твоєю, о́тче, обуздal еси́;/ но́щию же царю́ явлься  
бѣдствующему,/ сего́ исцели́л еси́ к сѣрдцу приближением,/  
Господу́ ты пресла́вно прославляюще./ Тѣмже велегласно твою́  
па́мять почитаем/ и мощей Божѣственную и священную ра́ку  
чтим,/ из нея́же истекаетъ врачеваний Божѣственная струя́/ и  
вѣлия мѣлость.

*Стих:* Яко утвердися мѣлость Его́ на нас,

// и истина Господня пребываетъ во вѣк.

Стра́сти умертвив плотскія,/ мѣртвыя благодатию Божиею воз-  
ставил еси́,/ и змию в злато претворил еси́,/ и реки́ стремлѣние  
молитвою твоєю, о́тче, обуздal еси́;/ но́щию же царю́ явлься  
бѣдствующему,/ сего́ исцели́л еси́ к сѣрдцу приближением,/  
Господу́ ты пресла́вно прославляюще./ Тѣмже велегласно твою́  
па́мять почитаем/ и мощей Божѣственную и священную ра́ку  
чтим,/ из нея́же истекаетъ врачеваний Божѣственная струя́/ и  
вѣлия мѣлость.

*Слава, глас 1.*

// Слава Отцу́, и Сы́ну, и Свято́му Дѣху.

**25 декабря, свт. Спиридона Тримифунтского**

Преподобне отче, блаженне Спиридоне мудре,/ мертвую, якоже живу, вопросил еси любви ради Божия;/ змию же преложил еси в злато нищетою обдержимому,/ течение же удержал еси реки, сострадательствовав людем;/ царю же предстал еси врач промыслием Божиим;/ мертвыя же паки возставил еси, яко Того ученик,/ и веру уяснил еси посреде отцев многих./ Вся убо могый во укрепляющем тя Христе,/ Того и ныне моли спастися душам нашим.

**И ныне, глас 1:**

// И ныне, и присно, и во веки веков. Аминь.

Всемирную славу, / от человек прозябшую, / и Владыку рождшую, / небесную дверь, / воспойм Марию Деву, / Безплотных песнь, и верных удобрение: / Сия бо явися небо, и храм Божества: / Сия преграждение вражды разрушивши, / мир введе, и Царствие отверзе. / Сию убо имуще веры утверждение, / поборника имамы из Нея рождшагося Господа. / Дерзайте убо, дерзайте людие Божии: // ибо Той победит враги, яко всеилен

**Вечерняя песнь Сыну Божию**

Свете Тихий святых славы,/ Безсмертного, Отца Небесного,/ Святого Блаженного, Иисусе Христе./ Пришедше на запад солнца,/ видевше свет вечерний,/ поем Отца, Сына и Святого Духа, Бога./ Достойн еси во вся времена/ пет быти гласы преподобными,/ Сыне Божий, живот дай, // темже мир Тя славит.

**Диакон:** Вонмем.

**Священник:** Мир всем.

**Лик:** И духови твоему.

**Прокимен**

*В среду вечера, глас 5:*

**Диакон:** Премудрость. Воннем. Прокимен, глас 5.

Бо́же, во и́мя Твое́ спаси́ мя, / и в си́ле Твое́й суди́ ми.

**Лик:** Бо́же, во и́мя Твое́ спаси́ мя, / и в си́ле Твое́й суди́ ми.

**Диакон:** Бо́же, услы́ши моли́тву мою́, внуши́ глаго́лы уст мои́х.

**Лик:** Бо́же, во и́мя Твое́ спаси́ мя, / и в си́ле Твое́й суди́ ми.

**Диакон:** Бо́же, во и́мя Твое́ спаси́ мя

**Лик:** И в си́ле Твое́й суди́ ми.

В среду вечера. Глас 5

Бо\_же, во и\_мя Твое спаси мя и в си\_ле Твое\_ей су\_ди ми.

**Чтение паремий святителю**

**Диакон:** Премудрость.

**Чтец:** Притчей чтение

**Диакон:** Воннем.

**Чтец:** Па́мьять пра́веднаго с похва́лами, и благослове́ние Госпо́дне на главе́ его́. Блаже́н челове́к, и́же обре́те Прему́дрость, и сме́ртен, и́же уве́де ра́зум. Лу́чше бо Сию́ купова́ти, неже́ли зла́та и серебра́ сокрови́ща. Честне́йшая же е́сть ка́менный мно́гоценных, все же честное́ недосто́йно Ея́ е́сть. Долгото́а бо дней и ле́та живо́та в десни́це Ея́, в шу́йце же Ея́ бога́тство и сла́ва. От уст Ея́ исхо́дит пра́вда, зако́н же и ми́лость на язы́це но́сит. Послу́шайте у́бо Мене́, о ча́да, честна́я бо реку́: и блаже́н челове́к, и́же пути́ Мой сохра́нит; исходи́ бо Мой, исходи́ живото́а, и уго́товляется хоте́ние от Го́спода. Сего́ ра́ди молю́ вас и предлага́ю Мой глас сыно́вом челове́ческим: я́ко Аз, премудро́сть устро́их, сове́т и ра́зум, и смысл Аз призва́х. Мой сове́т и утвержде́ние, Мой ра́зум, Моя́ же кре́пость. Аз Мене́ лю́бящия люблю́, и́щущии же Мене́ обря́щут благода́ть. Разу́мейте у́бо, незло́бивии, кова́рство, ненака́занныи же, прилага́йте серде́ца. Послу́шайте Мене́ и па́ки, честна́я бо реку́: и отве́рзу от усте́н пра́вая, я́ко и́стине поучи́тся горта́нь Мой, ме́рзки же пре́до Мною́ устны́ лживы́я. С пра́вдою вси

## 25 декабря, свт. Спиридона Тримифунтского

глаго́лы уст Мо́их, ничто́же в них стрóпотно, ниже́ развраще́нно. Вся пра́ва суть разумева́ющим и прóста обрета́ющим ра́зум. Науча́ю бо вас и́стине, да бу́дет о Го́споде наде́жда ва́ша, и испо́лнитеся Ду́ха.

**Диакон:** Прему́дрость.

**Чтец:** Прему́дрости Соломо́новы чтéние

**Диакон:** Во́ннем.

**Чтец:** Уста́ пра́веднаго ка́плиют прему́дрость, устне́ же мужей му́дрых ве́дят благода́ть. Уста́ му́дрых поуча́тся прему́дрости, пра́вда же избавля́ет их от сме́рти. Сконча́вшуся му́жу пра́ведну, не поги́бнет наде́жда. Сын бо пра́веден ражда́ется в живо́т и во благих сво́их плод пра́вды обы́мет. Свет пра́ведным всегда́, и от Го́спода обря́щут благода́ть и сла́ву. Язы́к му́дрых до́брая свесть, и в се́рдце их почи́ет му́дрость. Лю́бит Госпо́дь преподо́бная се́рдца, приятни же Ему́ вси непоро́чнии в пу́ти. Му́дрость Господня́ просвеща́ет лице́ разу́мнаго. Постига́ет бо жела́ющия Ю́, пре́жде да́же разуме́ти Ю́, и удо́бь у́зрится от любя́щих Ю́. У́тренева́вый к Ней не утрудится́, и бдя́й Ея́ ра́ди вско́ре без печа́ли бу́дет. Я́ко досто́йных Ея́ Сама́ обхо́дит, и́щущи, и во сте́зях Ея́ явля́ется им благоприе́мне. Му́дрости никогда́же одоле́ет зло́ба. Сих ра́ди и рачи́тель бых до́броты Ея́, и возлюбих Ю́, и поиска́х от ю́ности моея́. И взыска́х Невесту́ привести́ себе́, я́ко всех Влады́ка возлюбих Ю́. Тайни́ца бо есть Бо́жия хитро́сти, и обрета́тельница дел Его́. Труды́ Ея́ суть добродéтели: целому́дрию же и ра́зуму Та учи́т, пра́вде и му́жеству, ихже потре́бнее ничто́же есть в житии́ челове́ком. А́ще же и мно́гаго иску́сства жела́ет кто, весть дрéвняя, и бы́ти хотя́щая разсмóтрит. Свесть извѣ́тия словес и разрешéния гадáний, зна́мения и чудеса́ проразуме́ет, и сбы́тия вре́мен и лет; и всем советник есть благ, я́ко безсме́ртие есть в Ней и благосла́вие во общéнии словес Ея́. Сего́ ра́ди бесе́довах ко Го́споду, и помолѣ́хся Ему́, и рех от всего́ се́рдца моего́: Бо́же отцев и Го́споди ми́лости, сотвори́вый вся Сло́вом Тво́им и Му́дростию Твоею́ устро́ивый челове́ка, да владе́ет бѣ́вшими от Тебе́ тварьми́ и да управля́ет мир в преподо́бии и пра́вде. Дажь ми Тво́их Престо́лов присе́дшую Прему́дрость и не отлучи́ мене́ от о́трок Тво́их, я́ко аз раб Твой и сын рабы́ни Твоея́. Посли́ Ю́ с Небес от свята́го жили́ща Твоего́, и от Престо́ла сла́вы Твоея́, да сущи со мно́ю, научи́т мя, что благоуго́дно есть пред Тобо́ю, и наста́вит мя в ра́зум, и сохрани́т мя в сла́ве Сво́ей. Помышлéния бо сме́ртных вся боя́злива, и погрешѣ́тельна умышлéния их.

**Диакон:** Прему́дрость.

**Чтец:** Прему́дрости Соломо́новы чтéние

**Диакон:** Во́ннем.



## 25 декабря, свт. Спиридона Тримифунтского

**Чтец:** Похваляему праведнику, возвеселятся людие: безсмертие бо есть память его, яко от Господа познавается и от человеков, и угодна Господу душа его. Возлюбите убо, о мужие, Мудрость и поживете, восхощите Ея и наказани будете: начало бо Ея любви соблюдение закона. Почтите Премудрость, да во веки царствуете. Возвещу вам и не скрью от вас тайн Божиих. Яко Той мудрости наставник есть, и мудрых исправитель, и всякому смыслу и делу хитрец. И всем смыслом научит Мудрость: есть бо в Ней Дух разумен и свят, и сияние Света Присносущнаго, и Образ благодати Божия. Таа други Божия и пророки устроает. Благолепнейши же есть солнца и паче всякаго сотворения звезд, свету со-суждаема обретается первейши. Таа угождающая Ей от болезни избави и настави на стези правыя. Дадé им разум имéти свят и сохрани от ловящих, и подвиг крепок подаде им. Да разумéют вси, яко сильнейши всего есть благочестие; и никогдаже преможет злоба мудрости, ниже прейдет злыя обличающи суд. Рекоша же в себе, помысливше неправедно: насильствуем праведному и не пощадим преподобства его, ни усрамимся седин старости многолетны. Будет бо нам крепость закон, и уловим праведнаго, яко неугоден нам есть, и противится делом нашим, и поносит нам отпадение закона, и обличает нам согрешения наказания нашего. Возвещает нам разум имéти Божий и отрока Господня себе именует. Бысть нам на обличение помышлений наших и тяжек нам есть, и видим, яко неподобно иным житие его и изменены стези его. В поругание вменихомся ему, и удаляется от путей наших, яко от нечистот, и блажит последняя праведных. Увидим убо, аще словеса его истинна суть, искусим, яже сбываются ему. Руганием и мукою истяжем его, да разумеем кротость его, и искусим беззлоство его, смертию безобразною осудим его, будет бо посещение от словес его. Сия помыслиша и прельстишася: ослепи бо я злоба их, и не разумеша тайн Божиих и не разсудиша, яко Ты еси Бог Един, живота имей и смерти власть, и спасаай во время скорби, и избавляай от всякаго зла. Щедр и милостив, и дай преподобным Своим благодать, и Своею мущею гордым противляйся.

### Сугубая ектения

**Диакон:** Рцем вси от всея души, и от всего помышления нашего рцем.

**Лик:** Господи, помилуй.

**Диакон:** Господи Вседержителю, Боже отец наших, молим Ти ся, услыши и помилуй.

**Лик:** Господи, помилуй.

**Диакон:** Помилуй нас, Боже, по велицей милости Твоей, молим Ти ся, услыши и помилуй.

**Лик:** Господи, помилуй *(трижды)*.

**И священник возглашает:** Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

**Лик:** Амѣнь.

**Молитва при наступлении вечера**

**Лик:** Сподоби, Господи, в вечер сей без грехá сохранитися нам./  
Благословен еси, Господи Бóже отецъ нашихъ,/ и хвально и прославлено имя Твое во веки, амѣнь./

Буди, Господи, милость Твоя на нас, якоже уповахом на Тя./ Благословен еси, Господи, научи мя оправданием Твоимъ./ Благословен еси, Владыко, вразуми мя оправданием Твоимъ./ Благословен еси, Святыи, просвети мя оправданием Твоимъ./

Господи, милость Твоя во век, дел руку Твоею не презри./ Тебѣ подобает хвалá. Тебѣ подобает пение,/ Тебѣ слава подобает, Отцу и Сыну и Святому Духу, // ныне и присно и во веки веков. Амѣнь.

**Ектения просительная**

**Диакон:** Исполним вечернюю молитву нашу Господеву.

**Лик:** Господи, помилуй.

**Диакон:** Вечера всего совершенна, свята, мирна и безгрешна у Господа просим.

**Лик:** Подáй, Господи.

**Диакон:** Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувши, сами себе и друг друга, и весь живот наш Христу Богу предадим.

**Лик:** Тебѣ, Господи.

**И священник возглашает:** Яко благ и человеколюбец Бог еси, и Тебѣ славу возсылаем, Отцу, и Сыну, и Святому Духу, ныне и присно, и во веки веков.

**Лик:** Амѣнь.

**Священник:** Мир всем.

**Лик:** И духови твоему.

**Диакон:** Главы наша Господеву приклоним.

**Лик:** Тебѣ, Господи.

**И возглашает священник:** Буди держава Царствия Твоего благословена и препрославлена, Отца, и Сына, и Святаго Духа, ныне и присно, и во веки веков.

**Лик:** Амѣнь.

Стихиры на стиховне

Глас 8, святителя из общей Минеи

**Канонарх:** Глас 8, Святителю, Спиридоне, разумнаго свѣта зарѣ:

Святителю, Спиридоне, разумнаго свѣта зарѣ,/ церкѣвное  
светило, святительская красотѣ,/ иноческаго по́стнаго житія  
истоное правило:/ нам же заступник явился еси, // свободя́я  
от губителя врага́ ду́шы наша.

**Стіх:** Честна́ пред Го́сподем / смѣрть преподо́бных Егѣ.

Святителю, Спиридоне,/ вели́кую вла́сть от Бо́га прия́л еси́,  
мно́жество лука́вых бесѣв моли́твою твоѣю отгна́л еси́, // и сіх  
озлобле́ния от все́х ве́рою к тебѣ притека́ющих.

**Стіх:** Что возда́м Го́сподеви / о всех, я́же воздаде́ ми?

Святителя вели́каго Спиридѣна, ка́ко досто́йно воспоѣм,  
честна́го ума́, Богоза́рнаго свѣта,/ освеща́ющего нас,  
и божѣственный ра́зум пода́ющаго,/ таин глубі́нных испове́да-  
теля? // согласно всѣ рцѣм: ра́дуйся ѡ́тче отцѣв, Спиридѣне.

**Слава, глас 2:**

// Сла́ва Отцѣ, и Сы́ну, и Свято́му Ду́ху

Святителей Божѣственный сосу́д,/ ѡ́тче преподо́бне, Спиридѣне  
му́дре,/ ты добродѣтелями показáлся еси́:/ сегѣ ра́ди Це́ркве пред-  
ста́тель быв,/ ересенача́льники изгна́л еси́/ и А́риево хуле́ние  
собѣрне на зѣмлю низложі́л./ Те́мже, чудодѣйствуя де́лом и  
сло́вом, // Спа́са моли́ спасті́ся душáм нашим.

**И ныне, глас 2:**

// и ны́не, и прісно, и во ве́ки веко́в. Ами́нь.

## 25 декабря, свт. Спиридона Тримифунтского

О чудесé нóваго всех дрéвних чудес! / Кто бо познá Мáтерь, без  
мúжа рóждшую / и на рукú носящую всю тварь  
Содержáщаго; / Бóжие есть изволéние Рóждшееся. / Егóже я́ко  
Младéнца Пречíстая, / Тво́йма рука́ма носíвшая, / и ма́тернее  
дерзновéние к Немú имúщая, / не престáй моля́щи о чтúщих  
Тя, // ущéдрити и спасти́ дúши нáша.

### Молитва святого Симеона Богоприимца

*Лик:* Нýне отпуща́еши раба́ Твоегó, Влады́ко, / по глаго́лу Твоемú с мíром: /  
я́ко видеста óчи мой спасéние Твоé, / е́же еси́ уготовáл пред лицéм всех людéй, /  
свет во откровéние язы́ков, / и сла́ву людéй Тво́их Изра́иля.

*Чтец:* Святы́й Бóже, Святы́й Крéпкий, Святы́й Безсмéртный, помíлуй нас  
(трижды).

Сла́ва Отцú и Сы́ну и Свято́му Дúху, и ны́не и прíсно и во вéки векóв. Амíнь.

Пресвятáя Трóице, помíлуй нас; Гóсподи, очíсти грехí нáша; Влады́ко, прости́  
беззакóния нáша; Святы́й, посети́ и исцели́ нéмощи нáша, íмене Твоегó рáди.

Гóсподи, помíлуй (трижды).

Сла́ва Отцú и Сы́ну и Свято́му Дúху, и ны́не и прíсно и во вéки векóв. Амíнь.

Óтче наш, Ё́же еси́ на Небесéх! Да святíтся íмя Твоé, да прíдет Цáрствие  
Твоé, да бúдет во́ля Твоя́, я́ко на Небесí, и на землí. Хлеб наш насúщный даждь  
нам днесь; и оста́ви нам до́лги нáша, я́коже и мы оставля́ем должникóм нáшим;  
и не введí нас во искушéние, но избáви нас от лука́ваго.

*Священник:* Я́ко Твоé есть Цáрство, и сíла, и сла́ва, Отца́, и Сы́на, и Свята́го  
Дúха, ны́не и прíсно, и во вéки векóв.

*Лик:* Амíнь.

### Тропари

Тропарь свт. Спиридóна, епископа Тримифунтскаго, чудотворца, глас 1

**25 декабря, свт. Спиридона Тримифунтского**

**Собора Пёрваго показáлся еси побóрник и чудотвóрец,/ Богонóсе  
Спиридóне, óтче наш./ Тёмже мёртву ты во грóбе возгласív,/ и  
змию в зláто претворíл еси,/ и внегда пéти тебе святýя  
моли́твы/ А́нгелы, сослужáщия тебе, имел еси, священнейший./  
Слáва Дáвшему тебе крéпость,/ слáва Венчáвшему тя,// слáва  
Дéйствующему тобою́ всем исцелéния.**

**Слáва Отцú, и Сы́ну, и Свято́му Дúху, и ны́не, и прísно, и во  
вéки векóв. Амíнь.**

*Богородичен, глас 1:*

**Гаври́лу вещáвшу Тебе́, Дéво, рáдуйся, / со глáсом  
воплощáшеся всех Влады́ка, / в Тебе́, святе́м киво́те, / я́коже  
рече́ праведный Дави́д; / яви́лася еси́ ширшая  
Небес, / поносívши Зижди́теля Твоегó. / Слáва Всельшемуся в  
Тя́, / слáва Прошедшему из Тебе́, // слава Свободívшему нас  
Рождествóм Твои́м.**

*Диакон:* Премúдрость.

*Лик:* **Благословí.**

*Священник:* Сый благословéн Христóс Бог наш, всегда́, ны́не и прísно и во вéки  
векóв.

*Лик:* **Амíнь. Утверди́, Бóже, / святу́ю правосла́вную véру, право-  
сла́вных христиáн/ во век вéка.**

*Священник:* Пресвятáя Богорóдице, спаси́ нас.

*Лик:* **Честнэйшую Херувíм и сла́внейшую без сравнéния Се-  
рафíм, без ислéния Бóга Сло́ва рóждшую, сýщую Богорóдицу  
Тя величáем.**

*Священник:* Слáва Тебе́, Христé Бóже, уповáние нáше, слáва Тебе́.

**25 декабря, свт. Спиридона Тримифунтского**

**Лик:** Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь. Го́споди, помѣлуй (*трижды*). Благослови́. (или ...Влыдыко, благослови)

**Священник глаголет Отпуст**

Христо́с Истинный Бог наш, моли́твами Пречи́стыя Своея́ Ма́тере, предста́тельства честных Небе́сных Сил Безплотных: святых сла́вных и всехва́льных Апосто́л, свт. Николая, архиепископа Мир Ликийских, Чудотворца, прор. Авваку́ма, святых пра́ведных Богооте́ц Иоакима и А́нны, и всех святых, помѣлуе́т и спасе́т нас, я́ко Благ и Человеколю́бец.

**Многолетие**

**Лик:** Вели́каго господѣна и отца́ на́шего Кири́лла,/ Святе́йшаго Патри́арха Моско́вскаго и всея́ Ру́си,/ богохрани́мую страну́ на́шу Росси́йскую,/ настоя́теля, бра́тию и прихо́жан свята́го хра́ма сего́,/ и вся правосла́вныя христи́аны,/ Го́споди, сохрани́ их на мно́гая ле́та.